

- 1\* پہلا مرحلہ غا چناؤ غے مد نظر اعلیٰ چناؤ افسر نے 22 نفاذ ایجنسیاں غی اک میٹنگ بلائی ہے۔
- 2\* وزیر داخلہ امت شاہ نے کہیو ہے جے سرکار دفعہ 370 غی بحالی روکے گی۔ پاکستانی مقبوضہ کشمیر بھارت غو حصو ہے تے چل رہی دہشت گردی غے دوران کوئی گل بات نہیں ہو سکتی۔
- 3\* وزیر داخلہ نے قومی تحقیقاتی ایجنسی این آئی اے تے دہشت گردی مخالف ریاستی دستاں بشکارتا ل میل غی گل کہی۔
- 4\* تے جموں کشمیر غا پونچھ ضلع مانہ دہشت گرداں تے حفاظتی دستاں بشکار گولیاں ری ہوئی ہے۔

\*\*\*\*\*

#### CEO JK

جموں کشمیر مانہ مچ منتظر اسمبلی چناواں غو تقدس برقرار رکھن واسطے اعلیٰ چناؤ افسر برائے جموں کشمیر پی کے پولے نے کل نرواچن بھون ریل بیڈ کمپلیکس مانہ 22 نفاذ ایجنسیاں غی اک میٹنگ بلائی۔ اس موقعہ و ر ایجنسیاں مانہ بین ایجنسی تال میل غا سلسلہ مانہ حساس بنایو گیو۔ تے زور پایو جے پہلو مرحلو شروع ہون گا تقریباً 72 گھنٹاں غے دوران ووٹراں مانہ لالچ دین غی خاطر شراب اور نقدی جیسی چیزاں ور فوری کا روائی کی جائے۔ پہلا مرحلہ غے تحت 18 ستمبر 2024 مانہ 24 اسمبلی حلقاں مانہ 7 ضلعان غے اندر ووٹ پایا جا رہیا ہیں۔ جن مانہ کشمیر ڈویژن غا پلوامہ، شوپیان، کلگام تے انت ناگ جد کہ جموں خطہ گا ڈوڈہ، کشتواڑ تے رامبن شامل ہیں۔ ایجنسیاں مانہ کہیو گیو ہے جے ویں سخت چوکسی برتیں۔ بھارتی چناؤ کمیشن غو حوالو دیتاں واں سی ای او جموں کشمیر نے آبکاری محکمہ مانہ کہیو ہے وہ چناؤ کمیشن غی رہنما خطوط ور سختی نال عمل کرے۔

#### Amit Shah

مرکزی وزیر داخلہ امت شاہ نے پھر کہیو ہے جے دفعہ 370 بحال کرن اور جموں کشمیر غوالگ جھنڈو فر متعارف کران غے خلاف بی جے پی غو پکو موقف ہے۔ اک انٹرویو مانہ جناب شاہ نے کہیو ہے جے اج کشمیر غا نوجوانان نے ترنگو پکڑیو ہے اور کوئی پتھر بازی نہیں ہے تے یاہ ہی سرکار غی سب تیں بڑی کامیابی ہے۔ انہاں نے نیشنل کانفرنس اور کانگریس غی نقطہ چینی کی تے الزام لایو جے ویں گو جربکروال، پہاڑی، دلت اور دوجا پسماندہ طبقان غو تخصص کرن غی کوشش کر رہیا ہیں۔ انہاں نے کہیو ہے حالیہ لوک سبھا چناواں مانہ عمر عبداللہ اور محبوبہ مفتی غی ہا ر نے ظاہر کر دتو ہے جے لوکاں گا

جذبات بدل رہیا ہیں۔ اُنہاں نے پھر کہیو جے سرکا رغو موقف ہے جے پاکستان نال اُس وقت تک گل بات نہیں وے گی جد تک دہشت گردی چلتی رہی۔

#### NC Omar

نیشنل کا نفرنس گا نائب صدر و عمر عبداللہ نے اج وزیر اعظم نریندر مو دی ور الزام لایو جے ویں اپنا سارا واعدہ بسار بیٹھا ہیں۔ جھپڑا اُنہاں نے پچھلا 10 بہراں مانہہ جموں کشمیر غا لوکاں سنگ کیا تھا۔ عمر عبداللہ وزیر اعظم با رے اک سوال غو جواب دے رہیا تھا، جنہاں نے حالیہ ڈوڈہ ضلع مانہہ اک جلسہ غے دوران جموں کشمیر غی ترقی با رے کئیں واعدہ کیا۔ عمر عبداللہ نے کہیو جے وزیر اعظم نانہہ چاہیے جے ویں دسیں جے جموں کشمیر غے اندر پچھلا 10 بہراں مانہہ ڈبل انجن غی سرکا ر غے باوجود کے کم کیو۔

#### JMC Garbage

جموں میونسپل کا رپو ریشن نے کہراں تے تجارتی تنصیبات غا با غیچاں غو ضائع شدہ مواد اکھٹاں کرن، اک جگہ تیں دوجی جگہ لے جان تے ٹھکانے لان غی خاطر اک نوو نظام متعارف کیو ہے۔ جموں میونسپل کارپوریشن نے اس سلسلہ مانہہ اک آن لائن پورٹل قائم کیو ہے۔ جت لوک اس خدمت نانہہ حاصل کر سکیں۔ باغیچاں غو ضائع شدہ مواد بر اتواریں چایو جائے گو۔ جے ایم سی دوجا ضائع شدہ مواد مانہہ باغیچاں غو مواد ملان آلاں غے خلاف جرمانو وی عائد کرے گی۔

#### DHS Rabies

جموں غا سرکا ری شفاخانہ گا ندھی نگر مانہہ اج نیشنل ریبیز کنٹرول پروگرام غی تربیتی تے جائزہ میٹنگ منعقد ہوئی۔ اس میٹنگ غی صدارت ڈائریکٹر صحت خدمات جموں ڈاکٹر راکیش مگوترا نے کی۔ وبائی امراض غا ماہر ڈاکٹر بر جیت رائے تے آئی ڈی ایس پی غا صوبہ جموں تیں نگران افسر نے تمام شرکت کرن آلاں غو خیرمقدم کیو تے مذکو رہ پروگرام غی اہمیت دسیو۔ جن غو مقصد ہلکا غی بیماری غی روک تھام کرنو تھو۔

#### Doordarshan

دور درشن نے اج اپنا سفر غا 65 بہرا مکمل کر لیا ہیں۔ دور درشن 15 ستمبر 1959 نانہہ قائم کیو گیو تھو۔ اُس ویلا گا صدر راجندر پر ساد نے اج غے روز پہلی نشر غو افتتاح کیو تھو۔ ان بہراں مانہہ دور درشن نے 35 سیٹی لائٹ چینلاں غو جال بچھایو تے اس طرح اُن وچوں 6 کل بند جد کہ 22 علاقائی چینل ہیں۔

## Amit Shah NIA

مرکزی وزیر داخلہ امت شاہ نے قومی تحقیقاتی ایجنسی این آئی اے اور دہشت گردی مخالف ریاستی دستہ بشکار تال میل بدھان غی ضرورت ور زور پایو۔ تا نجے دہشت گردی مخالف کا روائی مضبوط کی جا سکیں۔ وے کل نوی دہلی مانہہ قومی سلامتی حکمت عملی کا نفرنس 2024 غا دوجے تہاڑے غی صدارت کرتاں واں بول ربیا تھا۔ وزیر داخلہ نے پولیس غا ڈائریکٹر جنرلاں نانہہ کہیو جے ویں وزیر اعظم غا نظریہ یعنی 2047 تک بھارت نانہہ اک ترقی یا فتنہ مُلک بنان آلے پا سے کم کریں۔ وزیر داخلہ نے اک تفصیلی حکمت عملی غی تجویز پیش کی۔ تا نجے دہشت گردی مخالف کو شش بدھائی جا سکیں۔

## Encounter Poonch

ضلع پونچھ مانہہ اج سلامتی دستاں تے دہشت گرداں بشکار اک تصادم ہوؤ ہے۔ سلامتی ذریعے نے دسیو ہے جے علاقہ مانہہ دہشت گرداں گی ممکنا موجود گی غی جانکاری ملن تیں بعد حفاظتی دستاں نے گذشتہ شام پٹھانہ تیر علاقہ مانہہ سانجھا طور ور تلاشی کا روائی شروع کی تے اس دوران علاقہ مانہہ چھپا دہشت گرداں نے گولی چلانی شروع کر دتی تے تصادم شروع ہو گیو۔ سرکاری ذریعے نے دسیو ہے جے دوباں پاساں تیں گولیباری جاری ہے تے جا ئے تصادم ور مزید حفاظتی دستاں ٹوریا گیا ہیں۔

## Congress Terror

گذشتہ 24 گھنٹاں غے دوران اوپروٹلی 2 دہشت گرد حملے غے بعد کانگریس پارٹی نے مرکزی سرکار غی تنقید کرتاں واں کہیو جے مرکزی سرکار جموں کشمیر مانہہ دہشت گردانہ حملے ور روک لان مانہہ ناکام ہوئی ہے۔ سرینگر مانہہ پارٹی دفتر مانہہ پریس کانفرنس نال خطاب کرتاں واں کانگریس ترجمان نے کہیو جے وزیر اعظم نریندر مو دی غا تیجی وری وزیر اعظم غو عہدو سنبھالن تیں بعد 98 تہاڑاں مانہہ جموں کشمیر مانہہ 25 دہشت گرد حملہ ہو چکا ہیں جد کہ سرکار دعویٰ کر رہی ہے جے اگست 2019 مانہہ دفعہ 370 بٹان تیں بعد جموں کشمیر مانہہ امن قائم ہوؤ ہے۔ کانگریس ترجمان نے مزید دسیو جے دہشت گرد حملے مانہہ اضافو ہو رہیو ہے تے ان حملے غا نتیجہ مانہہ 21 سلامتی اہلکار شہید تے 15 عام شہریاں غی ہلاکت ہوئی ہے۔

## NC Jammu

جموں کشمیر نیشنل کا نفرنس گا صوبائی صدر رتن لال گپتا نے بی جے پی لیڈر ترن چُگ گا اُس حالیہ بیان غی سخت مزمت کی ہے جس مانہ ترن چُگ نے کہیو تھو جے یوٹی مانہ دہشت گردی نانہ نیشنل کا نفرنس نے بابدو دتو ہے۔ رتن لال گپتا نے ان الزامان نانہ ہے بنیاد قرار دیتاں واں کہیو جے بی جے پی غی دوبرا انجن آلی سرکا ر جموں کشمیر مانہ دہشت گردی گا معاملہ نال نمژن مانہ ناکام رہی ہے۔ وے جموں مانہ پا رٹی دفتر مانہ بول رہیا تھا۔

## GMC Kathua

سرکا ری میڈیکل کالج کٹھوعہ نے یوم تاسیس منایو ہے۔ صحت تے طبی تعلیم گا ایڈیشنل سیکریٹری چاند کشور غے ہمراہ کالج گا پرنسپل ڈاکٹر سُرنندر آتری نے اس تقریب غو افتتاح کیو۔ اس موقع ور بولتاں واں چاند کشور نے کہیو جے اس طبی کالج نے بڑی حصولیابی حاصل کیں ہیں، بہت سارا طالب علماں نے اپنا مقصد حاصل کیا ہیں تے مقامی لوکاں نانہ ات گھراں غے کول بہتر علاج غی سہولت وی اس کالج غی وجہ تیں دستیاب بوئیں ہیں۔

## Kejriwal Resignation

دہلی گا وزیر اعلیٰ ارویند کیجریوال نے اعلان کیو ہے جے ویں 2 تہاڑاں بعد وزیر اعلیٰ گا عہدہ تیں استعفو دے دیں گا۔ اُنہاں نے کہیو جے اگلا کُجھ تہاڑاں مانہ عام آدمی پا رٹی گا ممبرانِ قانون سازیہ غی اک میٹنگ وے گی۔ تانجے نواں وزیر اعلیٰ غو فیصلو لیو جا سکے۔ جناب کیجریوال نے مطالبو کیو ہے جے دہلی مانہ اسمبلی چناؤ جھیڑا اگلے سال فروری مانہ ہونا ہیں۔ اس سال مہاراشٹر گا اسمبلی چناواں غے نال نومبر مہینہ مانہ کرایا جا نا چاہیے۔ قومی راجدھانی مانہ پا رٹی دفتر ور پا رٹی کا رکناں سنگ خطاب کرتاں واں کیجریوال نے مزید کہیو جے ویں اُس ویلا توڑی وزیر اعلیٰ غی گُرسی ور نہیں بیسن لگا جد تک لوک اپنو فیصلو نہیں سُناتا۔ سُپریم کورٹ نے کیجریوال نانہ دہلی آبکا ری پالیسی معاملہ مانہ جمعہ غے روز ضمانت دے دتی تھی۔ اسے دوران بی جے پی نے دہلی گا وزیر اعلیٰ ارویند کیجریوال غی طرفوں مستعفی ہون گا اعلان نانہ اک اشتہا ری حرکت قرار دتو۔ اخباری نمائنداں نال گل کرتاں واں پا رٹی ترجمان نے کہیو جے بُن کیجریوال نانہ سمجھ آگئی ہے جے لوکاں مانہ اُن غو عکس ہون اک ایماندار لیڈر غو عکس نہیں رہیو۔

## Info Debut

نواں فلم بنان آلاں واسطے اطلاعات ونشریات وزارت نے بھارت غا بین القوامی فلم فیستول 2024 غا اک حصہ غا طور رور بیسٹ ڈیبیو، انڈین فلم سیکشن 2024 غا ناں غا اک نوی سیکشن قائم کی ہے۔ یاد رہے 55 وی آئی ایف آئی اس سال 20 نومبر تیں 28 نومبر تک گواہ مانہ منعقد وے گی۔

## Neeraj Chopra

بھارتی نیزہ باز نیچر چوپڑا نے بیتی رات بروسیلز مانہ ڈائمنڈ لیگ فائینل مانہ 87.86 میٹر نیزو پھینک غے دوجو مقام حاصل کیو ہے۔ پہلو مقام حاصل تیں فرق 1 سینٹی میٹر رہیو۔ تے اس طرح پیرس الیمپکس مانہ کا نسہ غو تمغو جتن آلا اینڈرسن پیٹرس 87.87 میٹر نیزو پھینک غے اول مقام ور رہیا۔

-----